

Magnum

1850

M/3264







REMARQUES

D'ESTAT,

SVR LE MINISTERE

DV

CARDINAL MAZARIN,

OV

LE MANIFESTE DES

crimes de leze Majesté dont il

est conuaincu, iusques à

present,

*Veritas odium parit*

A PARIS,

---

M. DC. L.

REMYAL OVER

THE

MINISTER

OF

CARDINAL MARELLI

OF

THE MANIFEST

OF THE

OF THE

PROFESS

OF THE

A PARIS

M. DE L.





## REMARQUES D'E- stat, sur le Ministère du Cardi- nal Mazarin: Ou le manifeste des crimes de leze Majesté dont il est conuaincu, iusques à present.

*Veritas odium parit.*

**L**E Monde n'à rien qui luy paroisse si odieux  
que la verité medifante, au recit mesme  
des plus medifans, puis qu'elle s'attache non  
seulement à leur reputation: mais encore à  
l'honneur de toute sorte d'esprits vicieux, de  
quelque condition qu'ils puissent estre. Et  
neantmoins Dieu dit, Qu'il ne faut iamais ac-  
quiescer contre la verité, & que cheminer dans  
ses sentiers, c'est l'aimer de tout nostre cœur &  
de tout nostre ame. Il n'y à rien pourtant de si  
rare, ny de si dangereux, ny qui precipite si ou-  
trageusement la personne du veritable dans  
le tombeau qu'elle luy creuse, que de parler en  
verité dans la Cour des Roys, ny mesme dans la  
Cour des Princes.

944.03

M475m

872363

No. 3264

4  
Vn Gentilhomme tres-familier de la Reyne Mere, durant l'assemblée des Estats generaux de Paris, luy dit en se promenant dans le iardin des Tuilleries, qu'il y auoit plus de quatre-vingts ans, que la verité n'auoit passé par la porte du cabinet de son Maistre. Et vn euesque preschant au Louure, du temps de Henry quatre, dit au Roy qu'elle n'entroit dans les maisons des Roys qu'en tremblant & à la derobée. Veritablement vn Prince, n'est pas peu obligé à celuy qui la luy dit, avec le respect qu'il la luy doit dire. C'est pour cela plustost que pour toute autre chose, que sa Maiesté deuroit ordonner des recompenses, afin de porter quantité de personnes à la luy faire entendre, principalement aux choses qui sont de grande importance, & de la nature des affaires presentes. Vne Reyne, dont le respect que ie dois à la Maiesté Royale, me fait passer le nô sous silence, aimant vne creature qu'elle auoit faite, la qualité de laquelle la rendoit indigne d'une faueur si extraordinaire, estant aduertie par vn de plus fidelles, & des plus importans subiets du Prince, que ses inclinations obligeoient les grands du Royaume à murmurer de cette procedure, Sa Maiesté s'y comporta en suite d'une telle façon, que personne eust plus de suict de trouuer à redire à sa conduite.



3

C'est ce que doiuent faire tous ceux & toutes celles, qui ne veulent pas abuser de l'autorité que Dieu leur a donnée, & de laquelle ils luy doiuent rendre compte vn iour, pour voirs'ils n'auront pas mes-vse de ses graces. Que le Ciel soit fermé à toutes les plaintes que la France luy dresse, tant que la pieté la Reyne subsistera au point où elle est, cette Monarchie n'a que faire d'une meilleure assistance. Elle seule peut tout: mais à l'imitation de cette grande Reyne que ie viens de dire, ie croy que sa Majesté ne fera pas difficulté d'éloigner de sa personne, celui qui a ruiné tous ces Estats, & qui en faisant ombre à vne si sainte vie que la sienne, s'en va acheuer de perdre le reste, si elle ne veut courre risque d'estre mal avec ce Diuin Sauueur de nos ames. La nécessité de l'Estat, l'intérest particulier que sa Maieité y peut auoir, & le peu d'intelligence dont ce Ministre est doüé, luy obligent par vne nécessité tres importante, quand la passion de remettre les affaires du Roy, pour qui elle doit faire l'impossible ne l'y obligeroit pas de la sorte qu'elle y est obligée.

L'intelligence dont vn Ministre doit estre re-vestu, est vne faculté de l'ame, que Dieu ne communique qu'à fort peu de personnes. Et c'est ce que ce Souuerain Eternel ne donne iamais à ceux qui ne gardent pas ses Commandemens; puis qu'ils se font voir par ce moyen là ingrats à

ce nombre infiny de benefices qu'ils ont receus de sa liberalité incomprehensible. Cest homme issu de la lie du Peuple, ne scauroit auoir vn esprit doué d'une apprehension assez viue & assez forte, pour conduire des affaires d'une si haute importance, que ceux de cette Monarchie. Ce nom d'homme d'Estat, à l'estandue si grande, & comprend des qualitez si excellentes & si releuées, qu'il se rencontre peu de personnes de sa condition & de sa portée, qui en soient dignes. La science Royale, qu'on appelle d'Estat, ou autrement la prudence Politique demande des esprits plus lettrez, plus vniuersels, & plus sublimes, que celuy de ce grand homme. C'est vne science dont les Notions sont si difficiles à bien conceuoir, que la vie de l'homme semble estre trop courté pour l'apprendre: C'est ce qui a fait que l'ignorance de Jules Mazarin, a bien paru & bien éclaté, dans la conduitte des affaires depuis le commencement de son Ministère, iusques à la prise de Monsieur de Bruxelles: veu que tout ce qui s'est entrepris pendât ce temps là, deuoit plustost ruiner l'Estat que de le monter à la grandeur où ils s'est veu, par la generosité de nos Generaux, par les miracles que Dieu a faits par leur entremises. Les intercessions de la Sainte Vierge, sous la protection de laquelle Louys le luste, Roy de France & de Nauarre l'auoit mis, fut en partie la principale cause de rât



de glorieuses vi<sup>9</sup>toires, que nos Achilles François ont reportées sur les ennemis de cette Couronne: car ie puis dire sans leur faire tort, qu'ils ont fait des actions, qui surpassent de bien loin, toute la suffisance humaine.

Cela fait bien voir la prodigieuse ignorance de Maistre Iule Mazarin, de consentir à des entreprises où nous deuions perdre l'Estat, l'honneur & la vie, si Dieu n'eut combattu pour nous, & si les Capitaines & les Soldats, n'eussent pas esté poussez d'un esprit, à qui toutes choses sont possibles. Et cela s'est fait pourtant, contre toutes les apparences humaines. Le Conseil d'Espagne, auroit condamné un homme à la mort pour auoir donne sa voix à des actions qui pouuoient causer l'éternelle ruine de cette Monarchie. Philippe deuxiesme, fit chasser Soto, & poignarder Escouedo, tous deux Ministres de Dom leão d'Autriche, son frere naturel, sur le simple soupçon qu'il auoit, qu'ils portoient l'esprit de leur maistre à des pensées trop hautes. Alexandre ne le pardonna pas, ny à Clitus, ny à Calistene, ny à Parmenion, ny mesme à Philotas son fils, quoy qu'ils fussent tous ses fauoris.

Mais si son ignorance a paru, en toutes ces **procedures** que nous venons de dire, ie trouue qu'elle a encore bien plus paru & bien plus éclatée, à ne pas preuoir les suites, les conséquences, & les malheurs qui pourroient arriuer de

la prise de Monsieur de Bruxelles. S'il eust esté reconnoissant en faueur de ceux qui luy ont autrefois donné de bons aduis, & qui l'ont souuent aduertiy des chemins qu'il deuoit tenir, pour se bien conduire dans les affaires les plus espineuses, les disgraces qui luy sont arriuéés, du depuis, ne luy seroient pas arriuéés, & il seroit aussi considéré & aussi puissant, qu'il le deuroit estre, s'il eut esté plus intelligent, & plus raisonnable. Mais le peu de soin qu'il à eu de reconnoistre les peines & les traualx que l'on se donnoit pour son repos, & pour luy faire surmonter tous les obstacles qui s'opposoient au veritable establissement de sa fortune, a esté cause que ces esprits, mal satisfaits de son ingratitude, l'ont abandonné aux malheurs qui luy sont suruenus du depuis, par sa mauuaise preuoyance, & par sa mauuaise conduite. Monsieur le Cardinal de Richelieu n'auoit pas garde de tomber dans de semblables precipices. C'estoit par l'instruction de ces Oracles, si necessaires à la conduite, d'un si noble Ministère que celuy de l'Estat, qu'il li-soit dans l'aduenir, & qu'il iugeoit parfaitement bien des moyens qu'il deuoit suivre. Ny Dieu, ny la nature, qui donnent toutes choses aux creatures, n'ont iamais donné à un homme seul, toute la sapience des autres hommes; puis que les dons que cet estre infiny fait



fait aux personnes, sont tres differands, & qui donne à chacun le sien, selon qu'il iuge luy estre propre. C'est pourquoy, il n'est point d'habille homme, esleué dans le Ministere d'un Estat, qui n'ait besoin de l'esprit des autres, quelque intelligeant, qu'il puisse estre. Vn Ministre grandement liberal, & grandement magnifique, à les yeux, les oreilles & l'esprit de tous ceux à qu'il fait du bien, tousiours occupez au salut de ses affaires. Qui seme liberalement, est asseuré de recueillir & de moissonner de mesmes. Les thresors de la reconnoissance doiuent estre ouuerts à ceux qui veillent incessemmēt, pour la fortune des autres, & qui fait autremēt, court risque de choir, encore plus bas qu'il n'estoit dans son premier estre. Ce grand Iule, ne devoit il pas sçauoir, s'il eut esté habille homme, qu'il y auoit des-jà long-temps, que le Parlement & le Peuple, conspiroient ensemble contre ses violences & contre ses tyrannies? & que se prendre à des Senateurs, qui auoient parlé selon Dieu, en faueur des pāures subiets, c'estoit se prendre à des puissances, qui dans la violence de leur émotion, peuuent donner la loy à qui bon leur semble: mais sa mauuaise intelligence aux affaires, ne luy permettoit pas de voir si loin dans l'aduenir: & le temps qui n'est pas, à des abismes si grands & si profonds,

pour vn esprit fait comme le sien, qu'il est impossible à son chetif entendement, d'y pouuoir atteinre, c'est vn objet si esloigné de tous ses sens, que ses misteres les plus familiers au commun des hommes, luy sont des Notions incomprehensibles. C'est ce qui fait que sa venerable Eminence, ne scauroit iamais bien donner ordre à des affaires, qui prennent leur source, dans la disposition des choses futures.

Que si son peu d'intelligence s'est en suite decouuert dans tous les estranges ressentimés, qu'il en a eus, & qu'il en a voulu donner au Roy & à la Reyne, ie trouue qu'elle a encore bien plus éclaté, à sa confusion, l'ors qu'il a fait venir des troupes, qui estoient necessaires pour le bien de l'Estat, au païs des ennemis où elles faisoient de merueilleux progresz, seulement pour bloquer Paris, pour donner moyen aux estrangers, de reprendre sur nous, tout ce que nous auions conquis sur eux, & pour leur laisser les deux meilleures Prouinces de France en proye, comme il se void presentement, à la ruine de tous les affaires de l'Estat. N'est ce pas agir, en faueur du Roy, de l'Estat, & des François qui l'on fait ce qu'il est, d'une façon bien estrange. C'est bien mal entendre l'art de se faire aymer, que de ne s'estudier qu'à



mal faire. Vne Monarchie, qui donnoit des loix à toute l'Europe, se void maintenant reduitte au point de les recevoir d'un ennemy, qu'elle auoit mis en estat, de ne luy pouuoir iamais nuire. Voila les sacrez lauriers, que le Cardinal de Richelieu, nous auoit acquis, par des trauaux qui n'en furent iamais de pareils, bien flettris. Voila vn homme bien digne de la succession des affaires, que cet Illustre Ministre luy a laissez, à la gloire immortelle de l'un, & à l'éternelle confusion de l'autre. Ah France tu deuois ietter des larmes de sang, à la perte de ce Cesar inimitable, & dont la mort te sera tousiours funeste? Se peut il voir vn aveuglement pareil au tien, de souffrir continuellement deuant tes yeux, la cause de tes malheurs, & le principe de tes infortunes? Quoy fais tu vanité d'estre l'asche iusques à la fin des siecles? veux tu que la posterité parle de toy, comme elle parloit de la Monarchie la plus infame de la terre? Non, non, deffille les yeux à ton bien, & tend tes mains au salut que le Ciel te presente. Celuy qui consent à son malheur, est indigne de viure, par les conclusions qu'il peut luy mesme tirer de sa procedure.

Et toy malheureux & funeste Ministre; ne pouuois tu pas iuger que les desordres de l'Estat, seroient la cause de ta perte? Te pouuois

tu persuader, qu'une poignée de gens sçeut reduire Paris aux abois, & qu'un nombre infini de personnes, capables de faire la loy à toute l'Europe, s'en allassent à S. Germain, la corde au col, pour te demander pardon, des maux que tu leur faisois, & des tyrannies que tu leur voulois faire? dis-moy de grace, sont ce là les beaux preceptes que ta Politique te dône? C'est veritablement à des escueuils de cette nature, que tu deuois meurement penser, pour en éviter le naufrage. Ne deuois tu pas preuoir, si tu eusses esté bien entendu aux affaires, que l'enleuement du Roy, & le blocquement d'une ville comme Paris, estoient deux crimes sans pareils, & comme deux actions qui deuoient faire ta perte? Après cella, dois tu faire estat de trouuer un lieu qui te puisse mettre à couuert, de la rage des François, & de son épouuantable iustice? Dis-moy, sçauois tu estre dans la disgrâce de ton Createur, sans estre dans la haine de ses creatures? & sans considerer l'interest des Peuples, le hazard où tu mettois les sacrées personnes du Roy & de la Reyne, en une si funeste sortie, ne te rend il pas criminel iusques au dernier point, & consequemment digne d'un supplice proportionné à l'offence que tu as commise. Il n'en faut pas accuser Monsieur le Prince de Condé, comme tu las voulu faire, & dire que  
le



13  
le Roy & la Reyne furent contraints de ceder quelque chose à la violence, d'un homme entreprenant, cruel, & sanguinaire: c'est vne excuse trop grossiere pour des esprits si clairs voyans que les François: Car si cela eust esté de la mesme sorte que tu le dis, il n'auroit pas esté criminel comme tu veux qu'il le soit, veu qu'il ne defendoit en ce faisant, que l'honneur du Roy (que tu auois mise en compromis) seló tes propres sentimens, veu qu'il n'apuyoit que tes propres interests, selon la verité mesme. C'est donc vne évidente iniustice que tu luy fais, & vne note d'infamie que tu luy donnes sans luiuer, pour ternir son honneur, & pour blasmer son innocence.

Perfidie incomparable & à nul autre pareille, seras tu long temps sans seruir d'exemple à ceux qui se voudroient ingerer apres toy, de faire la mesme chose? C'est bien payer les soins & les peines qu'il a eües de te conseruer & de te maintenir en l'estat où tu estois durant que le Ciel & la terre, s'estoient liguez pour te perdre? Comme premier Ministre d'estat si tu eusses esté bié intelligeant à preuoir ce qui pouuoit arriuer d'une action si temeraire, si iniuste, & funeste à toute cette Monarchie, possédant l'esprit du Roy, de la Reyne & de Monsieur, qui sont toutes les intelligences qui menent les affaires de

cette Monarchie, tu n'eusses pas eu beaucoup de difficulté à destourner des malheurs qui crieront éternellemēt vangeance deuant Dieu, qui sera le iuge épouuentable de tous tes crimes. Ce sera luy encore qui te fera rendre compte de tous les vols, de tous les meurtres, de tous les incendies, de tous les violemens, & de tous les sacrileges que tes abominables legions infernales ont faictes, l'espace de deux ou trois mois autour de la ville que tu voulois reduire en poudre. Les iugemens de Dieu sont horribles à ceux qui l'offencent, d'un dessein premedité comme toy, & qui ne veulent pas profiter de ses graces.

Ton peu d'intelligence paroist bien encore, à vouloir maintenir, vn Gouverneur qui tyrannisoit tous les peuples de Guyenne, & que tu as voulu rendre criminels de leze Maiefté, quoy que tres-fidelles & tres-obeissans sujets du Roy; pour vne querelle que ta vanité & tes propres interests ont voulu faire sienne. L'alien-  
ce que tu esperoie de faire avec ce Gouverneur, pour t'appuyer dans vn Ministère que tu n'entends pas, t'ont porté à ces extremitez, & t'ont reduit à perdrel' Estat, pour te vanger d'une iniure que tu crois auoir receuë, en la personne de ton complice. Dis moy ie te prie, est il plus à propos d'exposer plustost la France à la mercy



de ses ennemis, que ton honneur & celle de ton confident, à la mercy de la iuste violence de ce peuple?

Voyez de grace chers lecteurs, si des subjets qui supplient tres-humblement le Roy, de leur oster vn tyran, pour leur donner vn Gouverneur selon Dieu, sont Criminels, & s'ils meritent d'estre reduits en cendre. Et pour rendre ces Peuples plus odieux, & pour les exterminer avec quelque espece de iustice, il a fait entendre à leurs Maiestez, que cela choqueroit leur autorité, & qu'il en falloit faire vn exemple. O conscience Machiaueliste! que ie te trouue grandement éloignée de la charité Chrestienne, qu'il faut auoir pour ses propres freres. N'est ce pas estre obede d vn étrange esprit, que de vouloir faire passer ses propres interests, pour les affaires du Roy, & d'vsurper l'authorité du Souuerain, pour punir des innocens, & pour noircir des hommes sans tache: & n'est ce pas encore en ce faisant estre criminel de leze Maiesté iusques au troisieme cas, & comme l'on dit en proverbe commun se filler sa corde soy mesmes.

O Dieu! souffrirez vous long temps, que l'esprit de nostre bonne Reyne soit tousmis aux loix d vn superbe vsurpateur de l'authorité Royale, sans lancer vos foudres & vos carreaux sur

cet abominable criminel, pour vanger des peuples si outragez, & pour le punir de ses crimes. Vn perturbateur du repos public, vn impie, vn scelerat, vn perfide, enfin vn homme ennemy de Dieu & de la nature, non seulement cōvaincu du crime de leze Maïesté humaine: mais encore de leze Maïesté Diuine, sera celuy sur la foy de qui, la Reyne & toute la France, confieront la sacrée personne du Roy, ses Estats, & le salut de son ame. A Dieu ne plaise Madame, qu'une confiance si funeste que la vostre, soit de plus longue durée.

Mais quoy que tout cella soient de grands crimes, & que son peu d'intelligence aux affaires se soit plainement manifesté, en toutes ces estranges procedures; cela semble n'estre rien en comparaison de tout ce qu'il vient presentement de faire, pour perdre l'Estat, & pour vous perdre vous mesmes. Quoy mener la personne du Roy & la vostre, avec vne poignée de gés & les exposer à la mercy d'une ville rebelle, plus forte dix fois en monde que vos Maïestez, & qu'on croit estre d'intelligence avec tous les ennemis de cette Couronne, sans estre asseuré de les pouuoir reduire à sa tyrannique volonté, ou sans estre asseuré de leur parfaite obeissance: n'est ce pas encore vne seconde fois mettre vos personnes en compromis, & mettre pareillement



mément aussi tout l'Estat entre les mains des ennemis, ou du moins dans vn estrange desordre.

Quelles assurances auoit il, voyant le traitement qu'il faisoit à la Prouince de Guyenne, que toutes les autres Prouinces de France ne se reuolteroient pas, veu que leur interest est vn interest commun, & qui ne regarde pas moins les vns que les autres.

Quelles assurances auoit-il encore, que les ennemis avec trante mil hommes qu'ils ont aux portes de Paris, assistez d'un nombre infini de voleurs, de mal-contans, de volontaires, de libertins, & des creatures de Monsieur le Prince, ne s'emparassent pas de la plus belle partie de l'Estat, & de la ville capitale de ce Royaume: Qui l'auoit encore assuré de rechef, que tous les peuples rebellez n'estât pas assez forts, pour resister à sa tyrannie, ne se ietteroient pas tous d'un commun consentement, entre les bras des ennemis qui ne demandent tous vnanimement que la ruine de cette Monarchie.

Celuy qui void qu'on traueille à sa perte, ainsi que celuy qui se void emporter par vn torrent débordé, se prend à tout ce qu'il croit seruir à son salut, & fut-ce mesme à vne potence embrazée. La pressante necessité, est vne tres-rude conseillere aux affaires du monde. Quand cét illustre Ministre seroit mesme d'intelligen-

ce avec les ennemis de cette Couronne, ſçau-  
roit-il mieux faire pour leur auancemēt, & pour  
noſtre perte? N'a-t-il pas fait en leur faueur, ce  
que toutes les forces de l'Empire iointes enſem-  
ble, n'euffent iamais ſçeu faire? S'il à l'eſprit de  
deuider cette fuſée, pour remettre les affaires  
au point où il les à trouuez, ſans qu'il ſe donne  
au diable par auance, ie ſeray le plus trompé de  
tous les hommes. O Roy! O Reyne! O Mon-  
ſieur! ou pluſtoſt O Franceaueuglées, ſouffri-  
rés vous plus long-temps, vn Monſtre ſi abo-  
minable à toute la Nature? L'ambitiō qui con-  
ſidere plus l'eſtenduë de ſon deſir, que de ſon  
deuoir, doit eſtre bannie de tous les hommes.

Vostre Majeſté eſt donc obligée en conſcien-  
ce de rendre à chacun ce qui luy appartient, ſi  
elle ne veut pas eſtre dans la diſgrace du Sau-  
ueur de nos ames. C'eſt pourquoy Madame,  
prenez la peine de deſſiller les yeux à la miſera-  
ble conduirte de ce Miniſtre, & regardez de  
grace en quel deſordre il a mis l'Eſtat, & de ce-  
là, tirez en des conſequences pour noſtre ſalut,  
& pour voſtre gloire.

*En vogant ſur la mer, des affaires de France,  
IVLE au fort de ſa gloire y trouua ſon cercueuil;  
Paris forma l'orage & Bordeaux ſen'eſcueuil,  
Où ce tyran perit, avec ſon ignorance.*

FIN.













